

Um 27.500 einstaklingar hafa nýtt sér starfsendurhæfingarþjónustu á vegum VIRK og sum oftast en einu sinni. Þannig eru skráðir 32.500 starfsendurhæfingarferlar í upplýsingakerfi VIRK frá upphafi.

Tæplega 2.800 þjónustuþegar eru nú í starfsendurhæfingu á vegum VIRK um allt land. 80% þeirra 25.000 þjónustuþega sem útskrifað hafa frá VIRK frá upphafi voru virkir á vinnumarkaði við útskrift; þ.e. í vinnu, í atvinnuleit eða lánshæfu námi.




Til VIRK leitar fjölbreyttur hópur fólks á öllum aldri, úr flestum starfsgreinum og með mismunandi menntunarstig sem misst hafa starfsgetu vegna veikinda eða slysa.

Þjónustuþegar VIRK eru undantekningalítið mjög ánægðir með þjónustuna og telja hana auka verulega bæði lífsgæði sín og vinnugetu eins sjá má í [þjónustukönnunum VIRK](#).

Ráðgjafafyrirtækið [Talnakönnun](#) metur reglulega ávinning af starfsemi VIRK.

2025 er samfélagslegur ávinningur af starfi VIRK metinn 20,7 milljarðar króna en rekstrarkostnaður sama árs er um 5 milljarðar króna.



Markmið og tilgangur VIRK

- VIRK Starfsendurhæfingarsjóður er sjálfseignarstofnun stofnuð árið 2008 af helstu samtökum stéttarféлага og atvinnurekenda á vinnumarkaði.
- Hlutverk VIRK er að efla starfsgetu einstaklinga með heilsubrest sem stefna að aukinni þátttöku og virkni á vinnumarkaði.
- Tilgangur með þjónustu á vegum VIRK er að aðstoða fólk við að komast til vinnu. Um er að ræða markvissa einstaklingsmiðaða ráðgjöf og þjónustu á sviði starfsendurhæfingar sem krefst fullrar þátttöku viðkomandi einstaklings.
- [Rétt á þjónustu VIRK](#) eiga þeir einstaklingar sem ekki sinnt starfi sínu að hluta eða öllu leyti eða tekið þátt á vinnumarkaði vegna hindrana af völdum heilsubrests, eru með beiðni eða vottorð frá lækni og hafa það að markmiði að verða virkur þátttakandi á vinnumarkaði eða að auka þátttöku sína á vinnumarkaði.
- Í [framtíðarsýn VIRK](#) eru sett markmið um að skila samfélagslegum ávinningi með snemmbærri og árangursríkri starfsendurhæfingu og forvörnum sem mæta þörfum einstaklinga og atvinnulífs.

Starfsemi VIRK

- VIRK vinnur að starfsendurhæfingu samkvæmt lögum 60/2012 í samstarfi við stéttarfélög, atvinnurekendur, lífeyrissjóði, þjónustuaðila í starfsendurhæfingu og stofnanir velferðarkerfisins.
- Starfsemi VIRK er fjármögnuð af atvinnurekendum, lífeyrissjóðum og ríkisvaldinu samkvæmt lögum 60/2012.
- VIRK hefur byggt upp þverfaglegan [starfsendurhæfingarferil](#), persónulega ráðgjöf og þjónustu sem hefur það markmið að koma einstaklingum til vinnu.
- VIRK leggur mjög mikið uppúr góðu samstarfi við stofnanir innan velferðarkerfisins sem og aðrar stofnanir.
- Þjónusta VIRK er til staðar á öllum helstu þéttbýlisstöðum landsins, er einstaklingsmiðuð og einstaklingum að mestu að kostnaðarlausu.
- Á vegum VIRK starfa sérhæfðir ráðgjafar [staðsettir](#) hjá stéttarfélögum víða um land og í Borgartúni 18 í Reykjavík sem fylgja þjónustuþegum allan starfsendurhæfingarferilinn og hvetja þá áfram.
- Sumir þjónustuþegar VIRK þurfa sérstakan stuðning við endurkomu á vinnumarkað frá [atvinnulífstenglum VIRK](#) sem aðstoða þjónustuþegana undir lok starfsendurhæfingar þeirra.
- [Forvarnasvið](#) VIRK vinnur að því að draga úr líkum á því að einstaklingar falli brott af vinnumarkaði vegna heilsubrests með því að veita einstaklingum, fyrirtækjum og stofnunum [forvarnaþjónustu](#) auk þess að halda úti gagnvirku [vefsíðunni](#) [velvirk.is](#).
- Undanfarin ár hefur VIRK lagt þróað [Ung VIRK](#), sérsniðna þjónustuleið sem getur hentað einstaklingum á aldrinum 16-29 ára sem eru með litla náms- eða vinnusögu og þurfa þétt utanumhald.
- VIRK á í miklu og góðu samstarfi við fagfólk um allt land, leggur áherslu á að nýta fagfólk á hverju svæði fyrir sig og þróa úrræði sem henta þeim fjölbreytta hópi sem nýtir sér þjónustu VIRK.
- Rúmlega 500 [þjónustuaðilar](#) um allt land eru í samstarfi við VIRK og keypt var þjónusta af þeim fyrir einstaklingana í starfsendurhæfingu fyrir [2.225 milljónir króna árið 2025](#).
- Þrír af hverjum af fjórum landsmanna eru jákvæðir gagnvart VIRK samkvæmt [viðhorfskönnunum](#).